

Additio.

In diesem Capitel wirdt die fermentatio auff Kohle / multipli-
 catio vnnnd transmutatio beschrieben / vnnnd diß alles kurz-
 weils auß dem vorigen zuverstehen. Jetzt kompt das vierdte Ele-
 ment in seiner feurigen röhte / das Ferment ist fein Goldt / das schmelzt
 man auffm Windtosen / oder vor dem balg / wirfft so viel Elyris darein.
 Kürets / brennets wol / denn es kan jetzt nicht mehr auß dem Feuer fligen /
 darnach reibt mans vnder drey mal so viel Mercurii purgati, läßt in
 der Aschen putreficiren ohn eusserlich Feuer / das geschicht baldt / da komte
 Ecclipsis solis. Wenn die solutio verziht / wirts geschaidē. Die schwarze
 Erde setzt man ins Feuer / dz etwas stärker sein kan den im anfang / weilt
 sie druckē / gibt man jr jr eygen wasser zudrincken / das von jr kommen ist /
 vnd frisset also der fligēde drach / d' jetzt unten im Glas auff dē ruckē ligt /
 sein eigen schwanz. Das geschicht auch ordentlich / wie droben / nach der
 successio der Element / in der destillation / durch die Grad des Feuers.
 Wenn das Wasser alles verschlungen / vnnnd coagulirt / hebts an weilt
 zu werden / da erscheinen widerumb die schönsten Farben / dann wirdts
 weiß / vnnnd ist dem weissen Golde zu vergleichen / hoher denn gemein sil-
 ber. Solte auch in Silber tingiren / Aber man lests im Feuer / vnnnd
 gibt ihm den dritten Grad / biß gelbet / darnach den vierdten / das ist / of-
 fen vnd bloß Feuer in einem starken Gefäß / biß es zur höchsten röhte
 kompt. Diß soll das rechte Antuer sal seyn in allen Kranckheiten /
 welche fataliter können curirt werden / So fern gehet auch die medica-
 consideratio.

Wer aber wil Goldt machen / der multipliciret es / wirfft ein theil
 in hundert theil heisses Queck silbers : werden darauß 100. theil medi-
 cinæ, der aber ein Theil auff 100. werden auß dem ganzen 10000.
 Wenn nun dieses ein Theil solte 1209989. Mercurii in Gold verwanz-
 deln / vñ jenes nur quintlin wehren / entstündē 12099840000. quinteten /
 bestes

Nō metuit
 penas i-
 gnis.

Ecclipsis
 Solis.

Draco de-
 vorans. gau-
 dam.

Welsgoldt.

Medicum
 vniuersale.